

赤水玄珠全集

S25-6

1519

1部6

赤水玄珠第九卷目錄

氣

九氣見症

血

嘔吐血

咳血

咯血唾血痰涎血

鼻血舌衄

齒衄

肌衄

小便血

下血

九竅出血

中蠱下血

金瘡出血

赤水玄珠第九卷

氣門

新安生生子孫一奎著輯

內經曰百病皆生于氣氣一也因所觸而為九怒喜悲恐寒熱驚思勞也故怒則氣上喜則氣緩悲則氣消恐則氣下寒則氣收炁則氣泄驚則氣亂思則氣結勞則氣耗

九氣見症

怒氣所至為嘔血為殄泄為煎厥為薄厥為陽厥為胸滿脇痛食則氣逆而不下為喘渴煩心為消痺為肥氣為目暴盲耳暴閉筋縱發於外為癰腫

喜氣所至為笑不休為毛革焦為肉病為陽氣所收甚則為狂

悲氣所至為陰縮為筋攣為肌痺為脉痿男為數洩血女為血崩為酸鼻辛頰為目昏為少氣不能報息為泣則臂麻

恐氣所至為破腠脫肉為骨痠痿厥為暴下綠水為面熱膚急為陰痿為懼而脫頤驚氣所至為潮涎為目眵為口眩為痴癰為不省人事為僵仆久則為瘡痺瘡音瘡痺音瘡

也

勞氣所至為噎病為喘促為嗽血為腰痛骨痿為肺鳴為高骨壞為陰痿為唾血為冥視為耳閉男為少精女為不月

思氣所至為不眠為嗜臥為昏目為中痞三焦閉塞為咽隘不利為痺疸嘔苦為筋痿為白淫為不嗜食

寒氣所至爲上下所出
水液澄徹清冷
炁氣所至爲喘嘔吐酸暴注下迫

凡此九氣內經以五行相勝之理治之故悲可以治怒以愴惻苦楚之言感之喜可以治悲以譴浪褻狎之言娛之恐可以治喜以遽迫死亡之言怖之怒可以治思以汚辱欺罔之言觸之思可以治恐以慮彼忘此之言奪之五者之外炁可以治寒寒可以治炁逸可以治勞習可以治驚要在審證察脉而施治之不可執一也

脉沉實者宜下絃急者宜溫虛細微弱者宜補痛在上者宜散痛在下者宜利氣虛者宜鎮墜氣結者宜疎順

夫治氣之法惟在適中氣積於中固宜疎順疎導過劑則又反耗元氣元氣走泄則下虛中滿之證生焉故曰疎啓於中峻補於下中滿旣除下虛斯實此之謂也治有餘之症脉沉實而中滿大便秘按之疼則宜下法當用大黃然亦須入桂皮以辛溫和其氣以苦寒泄其實氣得泄越痛亦隨愈

凡用利藥其法有三駛利則用大黃芒硝溫利則用硫黃乳粉瀉積則用巴豆礪砂他如磨積化結聚則以三稜蓬朮爲先導引閉塞則以木香檳榔先使溫散凝滯則以姜桂爲主疎順暴戾則以蘇橘爲宜補虛益氣則以人參白朮爲君墜下輔陽者以黑錫養正爲鎮

生生子曰治氣之劑東垣有法可準如枳殼利肺氣多服損胸中至高之氣青皮瀉

肝氣多服損真氣木香行中下焦氣香附快滯氣陳皮泄逆氣紫蘇散表氣厚朴瀉胃氣檳榔瀉至高之氣藿香馨香上行胃氣沉香升降真氣腦麝散真氣若此之類氣實所宜設認冷生氣而概以燥熱投之是以火濟火病日益甚丹溪曰氣有餘即是火乃戒好用溫熱治氣者之悞也

原病式曰氣爲陽而主輕微諸所動亂勞傷乃爲陽火之化子和河間治喜怒悲恐思之證皆以平心火爲主至於勞者傷於動動便屬陽驚者駭於心心便屬火故治皆以平心火爲主深中病情又曰五志過極皆爲火也若用香辛散氣燥熱傷氣真氣耗散濁氣上騰猶曰腎虛弗能攝氣歸原遂用降氣鎮墜之劑不悟肺受火炎子氣亦弱降令不行火無所制丹溪有曰上升之氣自肝而出中挾相火其熱爲甚自覺其冷非真冷也火極似水積熱之甚陽亢陰微故有此症認假作真似是之禍可勝言哉又曰氣無補法俗論也痞悶壅塞似難於補不思正氣虛者由七情勞傷所至脾土受傷轉輸失職胃雖受穀不能運化故陽升陰降而成天地不交之否清濁相混若不補養邪何由行

脉法

下手脉沉便知是氣極沉則伏瀦弱難愈其或沉滑氣兼痰飲滑者血多少氣瀦者少血多氣大者氣血俱多脉來大而堅者血氣俱實小者血氣俱少

七氣湯

治七情之氣鬱結心腹絞痛

人參

炙甘草

肉桂各一錢五分

半夏一

錢姜三片水煎服

指迷七氣湯 治同上 香附二錢 青皮 陳皮 桔梗 蓬朮 官桂 益智仁

藿香 半夏 甘草炙各等分 姜三片 棗二枚 水煎服

縮砂香附湯 調中快氣 治心腹刺痛 香附炒十兩 烏藥五兩 炙甘草二兩 砂仁

二兩 右爲末 每服一錢 紫蘇葉三片 鹽少許 沸湯調下

大便秘陳皮湯下 一方去烏藥加沉香五錢

大七氣湯 治喜怒不節致臟氣不平 心腹脹滿 半夏 茯苓各四錢 厚朴三錢

紫蘇二錢 加姜水煎服

木香流氣飲 諸氣痞塞不通 胸膈膨脹 面目虛浮 四肢腫滿 半夏 厚朴 青

皮 紫蘇 香附 甘草各一錢 陳皮二錢 桂 莪朮 丁皮 大腹皮 麥門

冬 檳榔 木香 草果各六分 木通八分 藿香 白芷四分 茯苓 白朮 木

瓜 人參 石菖蒲 加姜棗水煎服

秘傳降氣湯 上盛下衰 氣不升降 頭目昏眩 痰實嘔逆 胸膈不快 怒則氣上驚則

氣亂尤宜 骨碎補 訶子 草果 五加皮 半夏各五分 桔梗五分 桑白皮

地骨皮 枳殼 陳皮 甘草各一錢 水煎服

升陽順氣湯 七情所傷及勞役飲食不節 滿悶短氣 恐則氣下者尤宜 升麻

柴胡 陳皮各一錢 五分 半夏 人參各三錢 黃芩四錢 甘草 黃柏各五分 川歸

一錢 神曲炒一錢 五分 草薢仁一錢 每服五六錢 姜三片 水煎服

蘇子降氣湯 治中脘不快 心腹脹滿 噎塞喘促 咳嗽痰涎 宿食留飲 脇下支結及

脚氣冲心 方在痰飲門

分心氣飲 憂思留滯致使心胸痞悶脇肋脹滿噫氣吞酸頭目昏眩日漸瘦弱或

大腸虛秘 紫蘇莖葉四兩 姜活 半夏 肉桂 青皮 陳皮 桑白皮 大

腹皮 木通 芍藥 炙甘草 赤茯苓各一兩 每服五六錢姜三片棗二枚燈

心上根水煎服

四磨湯 治七情傷感上氣喘息妨悶不食 方在喘門

推氣丸 治三焦痞塞大便澁小便赤黃 方在脹滿門

神保丸 治諸氣刺痛流入背脊及脇下諸藥不效者 方在脹滿門

檳榔木香丸 疎導三焦破痰飲快氣消食 木香 檳榔 枳殼 杏仁去皮麤炒

青皮各一兩半夏曲 皂角去白酥炙郁李仁去皮各二兩各爲末另以皂角四兩用漿

水一碗槎揉成膏更入熟蜜少許和丸如梧桐子大每服五十丸姜湯送下

九氣丸 治九氣膈氣風氣寒氣熱氣憂氣喜氣驚氣怒氣瘴氣積氣聚堅牢如杯

心腹疼痛時作時止 姜黃 甘草 香附 爲末每服一錢入鹽少許百沸湯

點空心服立效

賺氣散 治胸膈痞悶腹脇脹氣不宣通及傷寒兩脇刺痛攻心 三稜 蓬朮

煨各五錢白朮三錢 枳殼一錢 木香五分 每服二錢加姜三片水一鍾半煎八分食

前服用砂糖少許壓下

分氣紫蘇飲 治心下脹滿脇疼氣塞嘔逆不止方在喘門

勻氣散 胸膈脹滿宿冷不消心腹刺嘔吐 丁香 檀香 木香 白荳仁各一兩 藿香 甘草炙各八兩砂仁四兩 爲末每服二錢入鹽一字沸湯調服

復元通氣散 氣不宣通流利並閃挫腰脇氣痛 木香兩半 茴香炒 川山甲 蛤粉

炒二兩延胡索炒 白丑炒 陳皮 甘草各一兩爲末每服二錢熱酒調服 一方加乳

香沒藥

清膈丸 因濕熱氣滯 黃芩 黃連炒各五錢香附一兩半 蒼朮二兩 爲末取黃熟

瓜蒌去皮搗爛和丸菴荳大每服三五十丸

桔梗枳殼湯 諸氣痞結滿悶 桔梗 枳殼各四錢 甘草炙一錢二分生薑五片水

煎服

升降六一湯 香附六兩炒 藿香一兩 爲末每服二錢白湯下

二聖散 諸氣痛 芫花醋煮乾五錢延胡索炒一兩五錢 一味爲細末每服一錢

男子元臟氣痛葱酒調下 婦人血氣痛川歸酒下 小腸氣痛茴香湯下

諸氣痛薄荷湯下

勝金散 治男婦一切冷氣 烏藥酒浸微炒茴香炒青皮去白 良姜等分 右爲末每

服二錢空心溫酒調下 婦人用姜煎童便調服

半夏湯 治上氣嘔吐不能下食 半夏三錢 陳皮 白朮 甘草炙桂心各五錢

人參二兩 厚朴二兩 每服五錢姜五片棗三枚水煎服

手拈散 一切氣痛 草果 延胡索 乳香 沒藥 五靈脂酒拌炒 等分爲末

每服二錢好酒調下一方加良姜

一人病氣上冲口中出如煙霧耳內常鳴此衝脉逆上與人物湯加炒黃連二分黃栢三分數劑而愈

蘇合香丸

和劑方

專能順氣化痰并治傳尸骨蒸癆瘵卒暴心痛鬼魅瘴癘赤

白下痢小兒驚搐等症

沉香

射香研丁香

青木香

訶梨勒煨用皮

安息

香另爲末用無灰酒一升熬膏

香附子炒去毛

萆撥

白朮

白檀香

硃砂研飛烏

犀角各一兩

薰陸香另研

龍腦研蘇合油入安息香膏內

右末研勻用安息膏并蜜

丸梧子大空心溫水化下四丸酒亦可

諸見血症總論

內經曰陽明厥逆喘咳身熱善驚衄吐血又曰大怒則形氣絕而血菀於上又曰脾移熱於肝則爲驚衄胞移熱於膀胱則癰而尿血又曰結陰者便血一升再結二升三結三升夫血者生化於脾總統於心藏受於肝宣布於肝施泄於腎灌溉一身陰氣一傷變生多病妄行於上則吐血衄衰澗於中則虛勞忘反於下則便紅移熱膀胱則癰閉溺血滲透腸間則爲腸風陰虛陽搏則爲崩中濕蒸熱淤則爲滯下熱極腐化則爲臟血火極似水血多紫黑熱勝於陰則爲瘡瘍濕滯於血則爲痛痒隱疹皮膚則爲冷痺畜之在上則爲喜忘畜之在下則人喜狂墮恐跌仆則淤血內凝又細分之則咳血衄血出於肺嘔吐出於胃痰涎血出於脾咯血唾血出於腎便血清者屬營虛有熱濁者屬熱與濕色鮮者屬火黑者火極血與泄物

並下者屬有積或絡脉傷也尿血因房勞過度陰虛火動以致營血妄行而或者又以此爲得之虛寒當以脉別有嘔吐紫凝血者原病式云此非冷凝由熱甚銷燥以爲調濁而熱甚則水化制之故赤兼黑而紫也又有汗血者由夫大喜傷心喜則氣散血髓氣行故也又下血先見血後見便爲近血自大腸來先有便後見血此遠血自小腸來腸胃中本無血良由氣虛腸薄故血滲入而從下出也東垣曰除傷寒家衄血外雜病見血多責其熱旨哉言乎大凡血上行爲逆其治難下行爲順其治易若血上行或睡或嘔或吐忽變而下行爲惡刺者吉兆也丹溪曰口鼻出血皆是陽盛陰衰有升無降血隨氣上越出上竅法當補陰抑陽氣降則血歸經矣

素問曰有病胸脇支滿者妨於食病至則先聞腥臊臭出清液先唾血四肢清目眩時時前後血病名爲何何以得之岐伯曰病名血枯此得之年少時有所大脫血若醉入房中氣竭肝傷故月事衰少不來也帝曰治之奈何復以何術岐伯曰以四烏鰂骨一蘆茹二物并合之丸以雀卵大如小豆以五丸爲後飯飲以鮑魚汁利腸中及傷肝也

王海藏云胸中聚集之殘火復裏積久之太陰上下隔絕脉絡部分陰陽不通用苦熱以定於中使辛熱以行於分升以甘溫降以辛潤化嚴肅爲春溫變凜冽爲和氣汗而愈也然餘毒土荳猶有存者周身陽和尙未泰然胸中微躁而思涼飲因食冷物服涼劑陽氣復消餘陰再作脉退而小絃細而遲激而爲衄血唾血者有

之心肺受邪也下而爲便血溺血者有之腎肝受邪也三焦出血色紫不鮮此重
沓寒濕化毒凝泣水穀道路浸積而成若見血證不詳本源便用涼拆變乃生矣
陽證溢出鮮血陰證下如豚肝

上而血者黃芩桂枝湯

白芍當歸湯

中而血者當歸建中湯

增損胃中

湯

下而血者芎歸朮附湯

桂附六合湯

若三血證在行陽二十五度見

黃芩四君子主之若三血證在行陰二十五度見當歸四逆加吳茱萸主之

生生子曰按海藏此論雖爲傷寒而發實戒用藥者要認血來本原不可妄治以致
變亂夫治血當明血出何經肺肝多宗丹溪有曰吐血衄血多是火載血上錯經
妄行越出上竅此論固是猶有未盡乃所以啟後人過用寒涼之惑也夫火者無
形之氣也非水可比安能稱載蓋血隨氣行氣和則血循經氣逆則血亂氣有餘
即是火也實由氣逆而血妄行兼於火化因此爲甚經曰怒則氣逆甚則嘔血暴
殫內逆肝肺相搏血溢鼻口是也又東垣曰血妄行上出於鼻口者皆氣逆也況
血得寒則凝得熱則行見黑則止迹此觀之治血若不兼之調氣而純以寒涼是
施則血不歸經而且爲寒涼所凝滯雖暫止而復來也且脾統諸血寒涼傷脾脾
虛尤不能約束諸血其變證可勝言哉

素問示從容論曰夫傷肺者脾氣不守胃氣不清經氣不爲使眞臟壞決經脉傍絕

五臟漏泄不衄則嘔

綱目云傷肺即傷氣也當於氣虛不能攝血條叅治

戴元禮云吐血者榮氣溢入濁道留聚膈間滿則吐血名曰內衄宜蘇子降氣湯加人參阿膠 飲酒太過傷胃吐血用理中湯加青皮梔子乾葛川芎 勞太過吐血不止蘇子降氣湯加人參芍藥 打損吐血黑神散童便調服 有時或吐血兩口隨即無事過數日又發經年累月不愈者宜黑神散吐血發渴名爲血渴也或四物湯十全大補湯量胃氣虛實用之

統旨云吐血先哲皆以爲熱其因於寒者理亦有之何則寒邪屬陰人之榮血亦屬陰古人云風傷衛寒傷榮各從其類人果身受寒邪口受寒物邪入血分血得冷而凝則被寒矣在上則從口而出在下則從便而出若此者實病機之所有焉得爲盡無也但其血色之黑與吐血因熱極而反兼水化者相似茲則宜於脉證間求之脉微遲而身又清涼者寒也脉洪數而身又煩熱者熱也寒則溫之熱則清之治法大不同矣

嘔吐血

生生子曰吐血成碗吐出者甚至有出而成盆者丹溪云多是陽盛陰虛故血不得下行因火炎上之熱而上出脉必大而芤大者發熱芤者血滯與失血也

又曰有氣虛中寒陰陽不相守血乃妄行而吐出者經所謂陽虛陰必走者是也當用四物理中湯加乾姜甘草煎服中溫則血自歸經矣切不可投苦寒之劑

丹溪云山梔子最能清胃脘之血 先吐紅後見痰嗽多是陰虛火動痰不下降四物湯加痰藥火藥 先痰嗽後見紅多是痰積熱降痰火爲急 痰嗽涎帶血出

此是胃口清血熱蒸而出重者梔子輕者藍實或暴吐紫血一碗者無事吐出爲好此熱傷血死於中用四物湯鮮毒湯之類 吐血挾痰積吐一二碗者亦只補陰降火四物湯加火劑之類 挾痰若用血藥則泥而不行只治火自止吐血乃火病也 大吐血不止以乾姜炮黑爲末童便調從治 喉脫痰血荊芥散妙

又云嘔吐血出於胃也實者犀角地黃湯主之虛者小建中湯加黃連主之

千金方云吐血有三種有內傷有肺疽有傷胃 內傷者出血如鼻衄不從鼻孔出

是近在心肺間津液出還流入胃中或如豈羹汁或如切蠟血凝停胃中因即滿

悶便吐或出數斗至一石者是也得之於勞倦飲食過常也按韻書蠟音勑凝血也肺

疽者或飲酒後熱毒滿悶吐之時血從吐後出或一合半合半升一升是也 傷

胃者因飲食大飽之後胃中冷不能消化便煩悶強嘔吐使所食之物與氣共上

衝蹙因傷裂胃今吐血色鮮正赤腹亦絞痛自汗出其脉緊而數者爲難治也

劉宗厚曰凡治血必血屬之藥欲求血屬之藥其四物之謂乎河間謂隨證輔佐謂

之六合湯者詳言之矣余故陳其氣味專司之要不可不察夫川芎血中氣藥也

通肝經性味辛散能行血滯於氣也地黃血中血藥也通腎經性味甘寒能補真

陰之虛也當歸分三治血中主藥也通肝經性辛溫全用能活血各歸其經也芍

藥陰分藥也通脾經味酸寒能涼血治血虛腹痛也若求陰藥之屬必於此而取

則焉脾胃論有云若善治者隨經損益攝其一二味之所宜爲主治可也此特論

治血病而求血藥之屬者也若氣虛血弱又當從仲景血虛以人參補之陽旺則

生陰血也若四物湯者獨能主血分受傷爲氣不虛也輔佐之屬若桃仁紅花蘇木血竭丹皮者血滯所宜蒲黃阿膠地榆百草霜棕櫚灰者血崩所宜乳香沒藥五靈脂凌霄花者血痛所宜菴蓉瑣陽牛膝枸杞子益母草夏枯草敗龜板者血虛所宜乳酪血液之物血燥所宜乾姜桂者血寒所宜生地苦參血熱所宜特取其證治大畧耳若能觸類而長可謂應無窮之變矣

脉訣舉要曰諸症失血皆見芤脉隨其上下以驗所出大凡失血脉貴沉細設見浮大後必難治

治火之劑

大薊散 治辛熱傷肺嘔吐血或一碗或半升名曰肺疽 大薊根 犀角屑 升

麻 桑白皮 蒲黃 杏仁去皮尖 桔梗各二錢 甘草炙五分 右分作二服每服

姜三片水煎服

四生丸 治吐血熱妄行 生荷葉 生艾葉 側柏葉 生地黄各等分 搗爛

爲丸如雞子大每服一丸用水二鍾煎至一鍾去渣服

犀角地黄湯 治血積胸中吐血衄血 犀角鎔赤芍藥 牡丹皮 生地各一錢

水煎服此方若有痰者及氣逆不降者服之皆不效予每用加枳殼桃仁滑石效

茜根湯 治吐血咯血嘔血等症 四物湯加童便浸香附一錢五分茜草根二錢半忌

鐵 水煎服二三服立愈

治吐血 大黃末一錢 生地黄汁一合 水半鍾煎四五沸服即愈

又方 好墨煨去膠氣爲細末每服二錢以白湯化阿膠清調服

治吐血暴甚昏運不止 人參二兩爲末用雞子清調如稀糊以匙挑服服盡効五

更服之尤妙

治吐血 生地黃五斤搗汁生蜜二斤半 共以瓦器盛貯鍋內重湯藥柴文武火熬三

日夜取出入人參末四兩 茯苓末六兩攪勻不拘時服此卽瓊玉膏也

又方加入青蒿汁熬膏再加檳榔末一兩以降其氣使下行也

奇方 治飲酒過多蘊熱胸膈以致吐血衄血 葛花二兩黃連四兩右爲末以大

黃末熬膏爲丸如梧桐子大每服百丸溫湯下或煎服亦可

辰膠散 治大人小兒吐血 阿膠炒蛤粉各一兩 辰砂少許 右爲末藕節搗汁和

蜜調下食後服

龍腦雞蘇丸 治膈熱咳嗽或吐血衄血 方在火熱門

茯苓補心湯 治心虛爲邪氣所傷吐血 方在心痛門

藕節散 治吐血不止 藕汁 生地黃汁 生密五匙 大蘗汁各三合 右和勻每

服一小鍾不拘時服

拔萃犀角地黃湯 治熱甚而血積胸中 生地黃三兩 黃芩 黃連各一兩 大黃

五錢 每服一兩水二鍾煎一鍾食後服

雙荷散 治卒暴吐血 藕節七個 荷葉頂七個 搗碎入蜜用水二鍾煎八分去渣

溫服或研末蜜調下

枇杷散 治暑毒攻心嘔吐鮮血 方在暑門

龍肝膏 治吐血不止 伏龍肝一兩 生地汁 麥冬汁 小薊汁 藕汁各三合

姜汁一合 入蜜半匙慢火熬成膏每服一匙

帶補之劑

奇方 治肺損嗽血吐血 生地四兩取汁鹿角膠一兩炒爲末右以地黃汁拌和每服

三錢重便加姜汁少許調下

側柏散 治內損吐血下血或用酒大過勞傷於內其血妄行出如湧泉口鼻皆流

須臾不救則死矣 側柏葉一兩半蒸焙人參 荊芥穗燒灰存性各一兩爲末每服

二錢麵一錢新汲水調如糊服

麥冬飲子 治吐血久不愈者 五味子十粒 麥門冬 黃芪各一錢 當歸 人參

生地黃各五分 水煎服

白朮散 治飲食過度負重傷胃吐血 白朮 人參 黃芪炙白茯苓各二錢 炙

甘草一錢 山藥 百合 柴胡 前胡各六錢 分作三帖每服加姜棗水煎

又方 治同上 理中湯加葛根

雞蘇散 治勞傷肺經吐紅咽喉不利 紫蘇葉 白茅花 黃芪 生地 阿膠

各一錢 麥門冬 桑白皮 桔梗 貝母 蒲黃炒甘草 加姜棗煎服

天門冬湯 治思慮傷心吐血不止 天門冬 白芍藥 麥門冬 生地黃 遠

志 藕節 黃芪 阿膠 沒藥 當歸 甘草各一錢五分人參一錢分作二